

甌

甄

洞

藁

甌甌洞藁卷之一

武昌吳國倫著

始安張鳴鳳校
新安方尚賢

樂府

古歌謠十八首

黃澤辭

黃之沮其馬汗珠皇人穆如黃之澤其馬汗血皇人
爲烈

白雲謠

白雲在天間闔未閱遠以萬里川隄間之將顧見子
曷維其期

穆天子謠

予將東歸撫有諸夏諸夏用康爰適我所期以三年
俟子于野

越人歌

今日之日兮新波中流載我王子兮青翰之舫宴罷
樂極兮八音齊止獨擁楫而心悲兮歌向王子山有
柏兮柏有柯心知君兮奈君何

采葛婦歌

臥薪不勞袒若茵今我采葛以作綸

紫芝歌

悠悠南山巖壑窈窕英英紫芝可以宿飽堯舜難逢
從吾所好錦衣肉食其憂孔熾美玉之旣雕兮孰與
大璞之完質

平城歌

四色之馬何薄薄誰爲漢謀解其一角

秋風辭

秋風起兮白雲揚羣卉萎謝兮鴈南翔桂有芬兮菊
有英遺美人兮隔河汾鼓蘭橈兮橫中流激迴波兮
覽皇州嘉壯麗兮樂未休櫂歌發兮生煩憂羲輪奈
何兮駛不留

瓠子歌

瓠子決兮迅流長鉅野沒兮田無桑刑白馬兮湛雙
壁羣力瘁兮薪不給薪不給兮東都墮棧淇林兮禦
縣水築宣防兮蛟龍歸禮河伯兮萬福依

天馬歌二首

太乙呪今天馬躍珠爲汗兮露爲沫赤鬣奮兮開氣
盪追飛電兮籊浮雲稟純化兮應靈寵誰爲匹兮龍
之種

天馬來從西宛歸有德歷崑崙天馬來涉龍城月之
度河之精天馬來命蒲稍揚朱翼肉角高天馬來應

元鼎立閭闔練光炯天馬徠龍爲匹等八神無九逸
天馬徠周八遐四夷款噏休嘉

烏孫公主歌

父母育我兮一何親天子嫁我兮冒胡塵水草爲居
兮畜爲羶腥羶爲食兮羣爲袞黃鵠高舉兮鷹秋旻
我思故國兮歸無津

黃鵠歌

黃鵠飛兮自朔方鳴嘹嘹兮下建章雲爲衣兮雪爲
裳逍遙大液兮唼喋衆芳豈予不德兮膺此嘉祥

靈芝歌

嘉神芝兮產甘泉應靈符兮九色鮮承玉露兮真氣
全麗三辰兮燭穹玄配上帝兮億萬年

雞鳴歌

東方欲曙星皎皎雞人登壇望八表三唱傳呼曲未
終月散鐘鳴天下曉重城萬樹鳴烏鵲六宮拉奏鈞
天樂

隴上歌

壯士不必軀幹長陳安技勇人莫當撫綏部卒同肝
腸金羈駿馬鐵裨褱丈八蛇矛紫電光大刀七尺縣
秋霜左盤右決如飛揚縱橫搏戰數十合蛇矛反爲

孺子奪力盡無援死幽壑隴水嗚咽東西流壯士之
骨誰爲收

敕勒歌

敕勒川陰山北地吹黃沙天雨雪沙荒荒雪颼颼穹
廬撾鼓勸酪漿

挾瑟歌

百花宛轉隨春風流香暗度羅幃空欲奏雲和絃柱
促調苦非闌瑟不工

鼓吹饒歌十八首

朱鷺

鼓闐闐振朱鷺鷺欲翔拂其羽不食茹下食以黍將
以報吾主

思悲翁

思悲翁美人一往不我顧我心益以悲悲翁但思鷹
攫羣鳥食雄鳥一雌鳥十雛猶哀呼暮何適

艾如張

艾而張羅南山阿行成之五氣和山出黃鵠亦有羅
鵠以高舉奈鵠何良當休暇誰爲除舍

上之回

上之回中道關日行南天行北反顧集靈臺甘露浥

臨玉關款諸國貢名馬朝重譯羣臣從官趨警蹕何
以祝之壽萬億

翁離

雍離趾中可營宮何以棟之杞與楠雍離趾中

戰城南

戰城南死城北野死不收烏可嚙爲我謂烏且爲客
憐野死諒不收朽骨那能遠飛騫北風獵獵沙草荒
荒背城殊死戰伐鼓鼓不揚厲馬馬不驤飛鏑如雨
鋒如霜思爲良臣安可得願爲忠臣死社稷忠臣可
爲死復何辭雖葬烏腹視之如歸

巫山高

巫山高天與際江水深曷以濟我欲東歸將從此逝
塗無梁舟無楫泱泱潏潏臨水遠望涕下沾裳久客
之人心思鄉謂之何

上陵

上陵何皚皚下津風淒淒問客從何來言從崑崙西
蓮葉爲君舫桂樹爲君檣錦綵爲君纜珠玉錯中央
丹山之鳥九苞鳳翼若五色雲一飛千仞曾不知霄
漢高銅盤之露凝如脂龍爲車霓爲旂逍遙八極外
挾飛仙來歸芝生甘泉宮仙人一舉觴與君同壽沒

將進酒

將進酒醺三辰暢佳哉操陽春飲且歌妙入神激清
商變刻羽使國良工和者苦

君馬黃

君馬黃臣馬白二馬同逐臣馬澤宛有流珠洼汗血
美人在天南馳馬從之誰謂無羽翰美人在天北馳
馬從之誰謂無肉翮

芳樹

芳樹臨蘭池上有雙棲鵠風吹芳樹亂令我傷心曲
心不可制目不能視憐人之子妬殺人君無他心胡

不我親今我何適如罟如鴻乎悲矣

有所思

有所思乃在大海隅何以致慇懃玲瓏雙玉琚珠華
纓絡之聞君心已變拉雜趣焚之趣焚之當風揚其
塵君不我顧復何相思相思中道絕山崩川竭日月
當盈虧婦呼雞落日下山風淒淒長夜耿耿君不知

雉子班

雉子班在河之干王孫挾彈將從之謂彼無知雉子
已高舉黃鵠一舉以千里雉子汝無從雌飛但從雄
王孫擲彈弋其弓雉子將翔集于山梁

聖人出

聖人出天下平甘露降黃河清御六龍權奇哉披黃
圖壯九垓君得臣保金鏡臣得君贊神聖日月光華
四時和千秋萬歲奈樂何

上邪

上邪我欲與君相樂千歲如一日東海枯南山無麓
廐馬生角天雨粟日月閼與君無反覆

臨高臺

臨高臺望遠海海中珠樹遠莫攀岸有瑤草秀可餐
白鶴高飛離哉翻焚香召鶴令我主壽萬年臨高臺

遠如期

遠如期清以穆叩天門聞廣樂錫君萬年以天爲度
祥雲來紛佳哉月支臣匈奴歸諸夏底寧愷悅君心
靈芝九莖鳳鳥和鳴萬壽無疆猗休哉

石流

石之流丹以赭砂爲河光照夜其流涓涓澤有芷蘭
懷蘭飲此水益智復延年與君同之義所安

鼓角橫吹曲二十首

企喻歌三首

男兒不惜命但賭人稱彊螳螂奮兩臂牛車亦相當

壯女寧老死莫嫁遊俠兒掉頭出門去知他心向誰
男兒有剛腸九死不一回但看長城下俠骨如山堆

瑯琊王歌四首

瑯琊復瑯琊瑯琊大道王手執珊瑚鞭戲馬踏春陽
陽春二三月女郎心易亂并州快剪刀剪水水不斷
賣馬買寶劍摩挲不去手馬無十年力夜夜劍光吐
玉勒帶金鏤騎馬如騎龍不是瑯琊王知是廣平公

黃澹思歌二首

悠悠黃澹思郎歸豈無期風吹斷蓬草亦有著地時
腸中轉車輪九迴九折阪郎縱無他心歲月亦已晚

地驅樂歌

月明露下星垂垂可憐不憐君自知

捉搦歌三首

雨雪雖寒尚可裘江漢雖廣亦可舟男兒賭命博封侯
老女不嫁常低頭

金鍼巧刺鴛鴦線寶匣雙韜鹿盧劍花間男女一識面
脉脉還家兩相怨

玉井蓮開五色花千峯萬峯飛彩霞長安女兒嬌自誇
不嫁城中第二家

折楊柳歌四首

上馬搦柳條垂絲可作鞭下馬奏胡笳哀音使人憐
侵晨煮芻豢馬飽蹠跋走願作柔絲韁宛轉隨郎手
庭前梧桐樹一日三摩挲老女不嫁夫唧唧怨阿婆
阿婆聞女聲問女何所怨去年裁嫁衣今年色已變
幽州馬客吟二首

健兒騎瘦馬十鞭九不前侶伴過已盡誰能獨逌遄
放牧豐草原羸馬亦著臙可憐馬上郎髀肉日夜銷
白鼻騮

少年白鼻騮揚鞭過狹斜遍看當鑪女誰面如桃花
相和曲四首

江南曲二首

江南行採蓮蓮露如珠瀉白鳥翔其上遊魚戲其下
江南行採蓮蓮花耀朝日素腕刺船來朱唇唱歌出
東光
夜郎通楚道何不通楚挾西南夷轉饟數千里諸軍
久罷餓大半離濕死

度關山

隴頭望長安黃山伏如几不見故鄉人但聞天上水
天水咽寒聲客行何靡靡艱哉羊腸路驅馳迫未已
關外風沙日蔽天營門鞞鼓奏闐闐提兵渡河夜挑

戰冰高雪深虜壁堅
臨洮猛士博陵俠
龜手策馬苦不前
曉探單于遁沙漠
一騎飛追萬人躍
陰山獨射雙鵬還
胡兒視之膽俱落
交河城裏買乳酪
琵琶且作軍中樂

挽歌

天地有時合晝夜
渾茫茫人生渺如寄
勿論彭與殤生當列屋居
死從九陰藏黃墟爲君宅
白石爲君墻狐狽爲四鄰
螻蛄穴中央賢愚與貴賤
遺形諒相當安見人魚膏
久照驪山光

對酒

對酒歌太平君相賢且明關塞息傳箭朝廷行寢兵
鹿臺恩已溥泉府貨仍盈五土無苛政三農有深耕
侯官却走馬少年恥文纓遺路金誰拾當關夜不驚
今日良宴會上都佳麗城分曹出趙舞合奏揚秦聲
蒲浮琥珀漿痛醉碑礫罌當歌不爲樂無乃非人情

烏生

烏生八九子乃在南山顛羽翼猶未齊將之學飛騫
空巢出崑石集彼城南端城南秦氏惡少年柘彈厲
於黃金丸一彈中烏母母死子不憐應弦發三彈九
子無一全毛血淋漓下魂魄飛上天惜汝秦氏惡少

年烏何負汝乃見殘少年前致辭烏肉不足啗鷹鷂
以山爲卑增巢其上惜我東鄰兒尚得繳而羹之魚
鼈以淵爲淺穿穴其中惜我西鄰父尚得餌而食之
彼有所欲自喪其生我雖不彈人其舍諸

吟歎曲三首

王明君

妾本良家子垂髮入漢宮六年處金屋形影依房櫳
倉皇應明詔萬里遠和戎上殿辭我主只尺意未通
下殿引節旄含悲出銅龍轅馬逝如駛琵琶曲難終
嗚咽隴頭水縣流各西東駸駸入穹廬憤悵填心骨

閼氏美我名胡母分亦崇異俗非所安旃裘難爲容
何富有羽翼南征從北風微軀不自保涕淚瞻飛鴻
昔若盤中珠今爲水上蓬前朝烏孫主遺恨良相同
紅顏故薄命豈必由畫工

楚妃歎

荆楚跨南服土廣執益尊五侯與九伯翼翼稱下藩
莊王侈霸心行遊御華軒弋獵暮未反樊姬入忠言
旣謝禽獸肉復啓賢哲門十年薦九女國胤日以蕃
進敖退虞丘內政日以敦豈不戀歡昵念此風化源
王躬保無隄妃德宅厚坤羣后走圭璧萬卒環橐鞬

霸業震區夏榮名至今存

王子喬

王子喬白日駕鶴雲中遊綠玉如意青鳳裘王子喬
白日駕鶴雲中遊橫絕四海無九州浮雲輕舉縑山
頭桑田滄海俱悠悠朝發黃帝之赤館暮宿五城十
二樓西觴王母東揖浮丘玉女羅吹笙八璫應鳴球
雖雖喈喈和律呂鳳皇之聲天外流三王五霸俱殂
落今皇神聖方垂旒願以神芝圖爲君卜天休延年
享國千萬秋

平調曲七首

長歌行

青青園中葵，含露待朝陽。春和啓令節，百卉齊芬芳。
芬芳能幾時，倏忽萎秋霜。羲輪鮮停馭，頽波詎西揚。
少壯不爲樂，徒令達者傷。

短歌行

對酒當歌，人壽幾何。晝短夜長，樂少憂多。解一何以忘
憂。桂醕蘭漿，何以爲樂。吹笙鼓簧，解二黃鳥求友。其鳴
嚶嚶。我有所思，胡不屏營。解三鶴鳴在陰，其子和之。鹿
鳴在野，嘉賓樂之。解四顧瞻四方，殷憂孔繁。相彼鸛鷀，
一枝可安。解五儀狄以疎，南威以絕。式我先民，令儀令

德六
解

燕歌行

商飈習習清露漙羣芳銷歇秋氣寒鴻鴈連翩思故
關林月皎皎烏未安念君遠遊路漫漫萬里何時當
來還空房蟲鳴起長歎仰視明河夜闌干援琴當窻
操幽蘭哀絃激響摧肺肝同心寶燭鏤金盤朱光明
滅羅衣寬晨風一舉翔雲端我獨何爲乏羽翰

君子行

君子尚高節不處塵塲間暑不休惡木渴不飲盜泉
薰猶不竝器鳳鷺不齊騫於世無磷緇堅白益以完

宣父大聖人闕里何多賢一言百世師耿耿流遺編

從軍行

慷慨事西征將士亦何武厲馬奮先登戈矛集如雨
前旌亂浮雲流颺捷飛羽一舉恢故疆三旬迄寧宇
獯夷走乞降氏羌無跋扈天威戒深入完師伐鷺鼓
陳賞不踰時營中夜歌舞氍毹藉爲茵牛羊磔爲脯
往來未愆期齊聲頌明主解徒詠東山論功裂茅土
勞微願已足從軍良不苦我獨操鉛刀逢時愧無補

猛虎行

寧探猛虎窟勿顧窮鳥巢珠丸世所笑礪我赤金刀

男兒欲作健那能畏咆哮

雙桐生空井

雙桐生空井清陰蔭前除鳳鳥下棲息柯葉相扶疎
與君結婉孌何以不如初

清調曲八首

苦寒行

驅車上太行路險雪苦深不辨羊腸坂暗谷排千尋
北風振巖柯白日忽以陰豺虎據路蹊惡鳥鳴前林
輪摧馬骨穿艱哉何滯淫鬱鬱思東歸太息復沈吟
徒御飢且寒倉皇迷故津欲渡梁旣絕攀樹樹亦水

詠彼黃竹辭漫漫傷遠心

豫章行

時命不自造鬼神司其權粟多友益親馬庶客稱賢
天民未遭聘犁鉏老莘田良弼不見夢沒齒巖穴間
棲棲魯夫子陳蔡歌且弦誰當貴知希三復河上篇

相逢行

相逢狹斜道車軌不得方少年感意氣眴眴揚輝光
問君家遠近乃在新市隅走馬築金埒彈雀輕隋珠
堂上羅重筵琉璃漿白玉壺中庭長琪樹照耀錦氍毹
兄弟兩三人出入承明廬伯氏騎都尉仲氏執金吾

賤子官職薄節俠傾上都休沐竝來還列騎紛前驅
珪組何煌煌觀者塞路衢入門宴賓客華燈燦綺疏
奉觴前爲壽一一邯鄲姝小姝工秦聲大姝善吳趨
丈人但安坐調瑟方踟蹰

塘上行

蒲生我池中根短葉何長誰獨無仁義甘苦妾自當
風波起眉睫含悲下君堂銷骨豈無端愛憎亦何常
日夜苦念君悲風感搖落踣履尚可求著簪尚可著
豈以珠玉麗而忘裘與褐豈以牛羊肥而忘葵與藿
生亦常苦悲死亦常苦悲反顧別時路藁葬何離離

從君歸故室百歲以爲期

秋胡行四首

北上太行山悠悠行路難
北上太行山悠悠行路難
羊腸詰曲馬敗車翻起幽壑之下整切雲之冠橫琴
鳴絃寫我憂端歌以詠言北上太行山

惡木高叅天婆娑不知年
惡木高叅天婆娑不知年
狐穴其下鴟鳴其顛靡靡行自苦四顧無人煙欲往
何適側身長歎歌以詠言惡木高叅天

黃鵠何翩翩一舉浮雲端
黃鵠何翩翩一舉浮雲端
黃鵠何翩翩一舉浮雲端
汝弗我顧慊慊自憐扶搖風所志中道垂羽翰迷途

不遠回車言旋歌以詠言黃鵠何翩翩

仙人從何來云自閩風巔仙人從何來云自閩風巔
佩我迷穀餌以大丹頓轡周八極須臾崑崙還返我
其宅億萬斯年歌以詠言仙人從何來

瑟調曲十首

善哉行

駿駿二毛歲聿其慆且飲美酒與子忘勞解一鳳鳴嘹

嘹雲中吹簫誰爲此聲仙人王喬解二褚小懷大綆短

汲長愧無金戈竊比魯陽解三去日苦多來日無何今

我不樂負此弦歌解四隋珠彈雀牛鼎烹雞世無足用

輕身奚爲五道逢安期飲我瓊飴衆駕一鶴惟吾所

之六解

隴西行

隴西走馬客出入天水關白榆間青桂夾道何漫漫
下馬投舊主舊主出未還新婦解肅客美態柔且閑
手捉桃枝扇耳辨明月環絳綺爲下裙紫綺爲上衫
登堂行拜跪振佩鳴珊珊問客從何來得無久平安
請客坐上坐席布青琅玕吟笑未須臾中厨出雕盤
清酒起自酌爲壽跪客前客言主當酬微飲不及乾
左顧屬侍子何當留客歡取我牀頭瑟調絃一再彈

短歌中律呂餘芳噴幽蘭客起再拜謝何當此盤桓
罷酒送客出樂極容愈端客行猶反顧一顧三長歎
得婦有如是宋子安足攀

西門行

出西門步景景舉目何所見遙見崑崙山

解一崑崙山

上有仙人居仙人自有真壽命難與俱

解二瓊蘇酒金

屈卮招邀故所歡相樂但及時

解三

今日樂且樂來日

復如斯誰能愛惜費反爲貧者嗤

解四

何不日鼓瑟夜

考鐘坐見荊棘生庭中何不日鼓瑟夜考鐘坐見荊

棘生庭中

解五

河清不足俟薰膏亦自焚韜光飲美酒

至理妙入神

六解

東門行

出東門視暘谷丈夫慷慨狹四隩安用廐下馬如羊
懷中金如粟

一解

拔劍出門去勿顧男女行一言可干

萬乘那能鬱鬱戀故鄉

二解

去故鄉紫電爲我馬赤霜

爲我裘以遨以遊遵彼道周少婦自愛母復憂

三解

以

遨以遊遵彼道周少婦自愛母復憂生當高車還死

當朽骨留

四解

孤兒行

孤兒生不可道孤兒遭家胡不造父母生時坐重茵

乘肥馬父母奄逝兄嫂畜我爲虜食我牀下不與持
門戶那敢自言苦髮巢蟣蝨面累塵垢大兄方許罵
大嫂輒箠楚上高堂但思父與母下堂淚如雨兄趣
取薪嫂趣汲水腰鎌入山山多猛虎猛虎橫啞人白
骨累累相撐拄驚悸出藁棘束薪復何有井深縞短
霜風龜手輓轡苦不轉鉸墮水中落日下山孤兒逐
痛哭無歸腸縷斷飢不餬糜寒不著襦雖居生世與
死何殊仰呼蒼浪天俯叩黃壚泉覆載無慈將不我
憐陽春二三月草長澤如底驅我牧羊豕羊不乳豕
不羣兄與嫂方怒且嗔歸當奈苦辛亂曰市人一何

何何我欲持書下訴父與母兄嫂不相容

豔歌何嘗行

鴻鴈連翩起乃自黃河濱三三五五錯綜爲羣一解雌

忽被彈雄將于征一往十反顧一顧長悲鳴二解汝欲

從我去羽翼念已摧我欲棄汝去形影長當乖三解新

交何綢繆生別長苦愁儔侶各自媚淚下那可收四解

念君從此逝分難遠相隨關路漫浩浩氣結不成辭

馬鳴悲北風鳥倦巢南枝願君重自愛歸當及盛時

盛時難再得毋忘共餽糜念君以下爲題

豔歌行

崑山石齒齒韞璧何陸離一璧當萬鎰壁連城姿
洛陽發中使精光不復疑剖石得此壁文理無磷緇
千金裝桂櫝持載洛陽宮觀者莫不豔問出何山中
誰能復相此無乃大玉工繚以明月珠象以龍衮衣
本自崑山石今爲清廟圭

煌煌京洛行

綿綿兔絲不可以絡楚楚燕麥不可以穫解一重矣客

卿帝秦滅秦黃犬逐兔欲歸無津解二朝從暮衡六國

以夷賣主賣友曰秦與儀解三小信賊信小忠賊忠拔

木偃禾乃見周公解四忠哉三閭葬魚之腹龍逢比干

如嶽如瀆

五解

子胥多智抉目東門獨有范蠡徜徉海

濱

六解

大寇如箕長劒挂頤報燕何速下翟何遲

七解

招四皓亦聘兩生見幾高蹈美哉完名

八解

門有萬里客

門有萬里客形影何離離投袂起相問乃是故所知
遨遊未得意皓首歸無期去年入於越今復趨臨淄
太息別我去哽咽不成辭

蒲阪行

洛橋春已深湘川鴈未返不見南中書行行度蒲阪
瞻彼首陽山涕下那能飯

楚調曲五首

白頭吟

赤若沙中金皚若璞中璧剖心何難見與君不終席

一昔聞鳳求皇今若參與商三辰有晦蝕琴心亦何

常二紅顏不再駐白首難爲期一日相決絕含辛當

告誰三著薪日以采著簪日以忘新故豈相及顧瞻

獨徬徨四南山勿言高但與北山齊願得新人歡莫

如舊人啼五魚尾何筵筵釣竿何珊珊蜀水下三峽

那能復西還六

東武吟

人世良苦短經營當奈何抗身崑崙巔濯髮瑤池波
朝乘赤螭遊暮抱青霞歌

怨詩行

樂正豈無目卞和亦有口大寶固難識三獻無一偶
雙足自可刖此石勿輕剖荆山自可崩侯封非吾有
安知楚王庭千金藏敝帚幸哉列宗器五都安足數
怨歌行

手捧靈麻膏玉髓難爲潔調作同心燭金羊坐無色
長夜持照君重幃鑑明月朱華燦雕盤晨光一何迫
東風煽餘燼淚下俱成血

梁甫吟

出郭望岱宗其下有梁甫上蟠松與柏蒼蒼蔭東土
問是誰所植秦皇與漢武年深雪不消雞鳴日已吐
封禪起無懷斯言誤千古誰能陟其巔大哉魯尼父

鹿洞齋集卷之一終

甌甌洞葉卷之二

武昌吳國倫著

始安張鳴鳳校
新安方尚贊校

樂府

清商曲 吳聲歌四十二首

子夜歌八首

新挽垂肩髮梳成墮馬妝五絲繚玉簪可知歡殺郎
愛殺金芙蓉出水不見藕但識蓮子心花下爲歡剖
郎持木蓼燭照妾織流黃終夜但成匹何辭克下裳
郎歌妙意曲儂起彈清琴安得連理樹一夜長成林
特底小唐突如嗔忽作喜風吹桐花香誰不憐梧子

郎行轆轤心無時自轉動妾若衡下鍾隨郎作輕重
架上金羊燈雙照茱萸慢歡來就儂嬉光輝兩相盼
錢刀足何用玉容難可買甘露澆黃蘗苦心終不解
子夜四時歌十二首

春歌

條風蕩夕閣初月生前楹本無懷春意其如黃鳥鳴
百卉各有意陽春發其華含情步小苑何事不堪嗟
乳燕棲杏梁鳴鳩在芳樹花落君未歸蛾眉祇自誤

夏歌

開軒布華牀招取遠風涼歡心熱如火就儂乞寒漿

露坐芙蓉池紅粉了不施青荷大如席見蓮能幾時
展轉華簾上歡來無一語懷抱清風生三伏有何暑

秋歌

桂樹生秋風蟋蟀鳴我牀愛此良夜月無心擣衣裳
青蜩月下鳴白苧不勝露儂病無人知但問擣藥鬼
高秋八九月爲歡惜光景門前雙桐樹葉葉墮空井

冬歌

與歡隔橋居一夜雪盈尺非儂不伴就畏此雪上跡
天寒路途澀歡來歷枯林不是冰雪厚誰見松柏心
歲盡春復生但看梅與柳冒雪行送歡相思期白首

子夜變歌二首

子夜起看天明星忽不見歎冒風雨歸始知晴易變
楊花逐東風零落一何早君心不自持却笑浮萍草

上聲歌

上聲一何哀鳴筆不停響郎自知音人三歎有餘想
歡聞歌

腐草有感化何謂人無情隔簾飛螢火相照不分明
前溪歌三首

平明起抱甕汲水臨前溪隔溪聞郎語甕墮不知提
采葛根不斷撻瓜藤相牽溪岸十餘里枝葉紛纏綿

纏綿使儂憐

迎歡東武亭送歡獨桑路安得大海水盡向前溪注
使歡不得渡

團扇郎

白團扇辛苦儂自甘但恐郎心變

七日夜女歌二首

登臺望河漢陰陰渡牛女會短苦別長年年怨機杼
雙星有時合誰謂河無梁含情不及語挾瑟下高堂

碧玉歌

碧玉照秋水感君錫嘉名千金增一顧何敢比傾城

桃葉歌

桃葉何潏潏含風映江沱因君顧形影不敢逐顏波

懊懷歌四首

寒衣難爲縫小婦難爲容一日三反覆何得不懊儂
華牀紫綃幃鳴璫四角垂蘭枕含歡被獨眠將底爲
五兩木斑鳩檣上風翹翹一日去千里儂從何處招
輕舟如鴻毛乘風飛不止江上送郎心化作東流水

華山畿二首

華山畿相思成哽咽捉娘蔽膝吞何用同心結
華山畿行人淚如湧怪底相思樹火生神女冢

讀曲歌四首

吳兒讀吳曲曲曲斷人腸少婦恨長別遊子思故鄉
門前雙桐樹枝葉相綢繆花開曾幾日梧子遂難留
半夜開門去歡子何所驚却是烏臼鳥三更叫天明
阿那行採桑歡子來何遲蠶老欲上箔那得不懸絲
神弦歌十七首

宿阿曲

穆穆天門關曖曖地戶扇寶光三十二元君下揚靈

道君曲

雲中有車沃若五色花開青林

聖郎曲

東望何冥冥西望何默默風車導郎前雲旂翼郎側
縣圃在萬里郎行以一息

嬌女詩

南遊赤水海丹達耀扶桑日實和爲飴霞精煉爲漿
玉女自玉容連蜷發清光

白石郎二首

白石郎水中央魚鱗爲室龍爲堂

白石郎體如玉黃河不濟不濯足

青溪小姑曲

青溪滌洄小姑登臺盈盈獨處豈曰無媒

湖就姑曲二首

湖就赤山磯小姑採青荷裁爲大姑衣

赤山湖就頭渌水蕩明月小姑不知愁

姑恩曲二首

明姑采三秀雲中駕飛輪前導以青鳥後從赤鵝與
白鱗

璚漿瀉玉壺瑤席羅金鋪香隨芝蓋轉彷彿降明姑

采蓮童曲二首

池水清且漣青荷小如錢童侶自相樂齊聲唱采蓮

仙家采蓮童貌比金芙蓉將花贈玉女歌入彩雲中

明下童曲二首

走馬上層岡馬銜苜蓿草娟娟馬上童莫逐風塵老
乘黃與飛白一日馳千里朝發射堂頭暮宿崑崙趾

同生曲二首

人生忽如寄多營卽多憂安得龍銜燭照爾地下遊
鐘鼓日可考車馬日可馳惜費不爲樂徒爲他人資

西曲歌四十三首

石城樂

朝歌石城南暮歌石城北眼見昨日花今晨無顏色

烏夜啼二首

可憐城上烏月落尾畢逋一夜聲不歇却是爲郎呼
籠窗聽烏啼徘徊步齋閣好音持報郎誰啓歲時鑰

烏棲曲四首

百花滿庭香滿室城上烏棲月初出燭下紅粧耀錦
屏玉指調弦郎自聽

沙棠爲櫂蘭爲橈溪水照面芙蓉嬌落日徘徊望江
路今夜風波郎莫渡

長檣大艚百幅帆辭家歲歲遊江南書來但道江南
樂我獨何爲臥空閣

博山鑪藝水沈香明月夜夜懸空牀郎心轉動如車
軸酒家買醉倡家宿

估客樂三首

估客一何樂江北復江東江東船比屋江北馬如龍
聞郎客南海中有珠樹林願采徑寸珠爲儂飾雙簪
客從揚州來大艚不住櫓阿誰寄郎書特底使儂苦

莫愁樂二首

家對石城樓門前溪水流何處冶遊子低聲喚莫愁
少年且勿喧但聽莫愁歌可憐今夜月如此莫愁何

襄陽樂四首

襄陽諸女兒自負傾城色逢郎大堤南蹋歌大堤北
大堤十五女臨街學數錢何當估酒客調笑酒壚邊
女蘿附長松不自知微薄因郎歲寒姿綢繆永相託
大估揚州還索儂大堤間千金取一笑何用蒲鍛環
襄陽蹋銅蹄二首

紫馬白銅蹄蹀躞行大堤如花大堤女愛殺揚州兒
重城夾漢水錢騎騰輝光揚州總佳麗那得如襄陽
三洲歌

入峽復出峽懸水如懸繩長檣鐵鹿子一日下巴陵
採桑度二首

小艇使兩槳自渡採桑津蠶老桑葉稀春光愁殺人
採桑不盈掬逢儂故所私僞蠶化作繭猶持勝兔緣

江陵樂

走馬江陵道江花映江草相逢遊冶郎何處蹋歌好

青陽度

白藕不出水青荷欲擎天郎歌采蓮曲儂自蕩蓮船

青驄白馬四首

青驄白馬黃金羈見郎遊戲石城西

可憐遠駕六萌車白馬自著青驄花

石橋窈窕西曲娘隔水盼殺馬上郎

少年齊唱可憐曲空房莫照同心燭

安東平四首

東平劉生少年知名睚眦爲重身命爲輕
日出采葛日入絡絲儂自辛苦郎豈得知
雨雪霏霏大道爲泥儂往不可郎來亦迷
五綵鮮麗爲郎繡悅此物雖微是儂所製

女兒子

挽舟上峽如上天大估小估但愛錢

那呵灘

上水百尺編牽江百丈繩橫篙石齒齒努力望江陵

孟珠

共道陽春好陽春使人老不識菖蒲花枉自聞名早

夜度娘

小艇夜渡娘單衣曉辭郎辛苦儂不厭只莫天雨霜

長松標

長松鬱連蜷冒雪撐高天不是見琥珀誰知有千年

雙纏行

朱絲纏玉臂觀者各言好只似鬱金花下長同心草

拔蒲

落日泛通波青蒲間綠荷郎將採菱曲變作拔蒲歌

壽陽樂四首

壽陽雲母山可作屏安得持贈君
雷陂有高臺隔輿浦與君但相守
天上八童子遊人間化作八公山
女兒捉梅花一盞香點作壽陽妝

作蠶絲

郎愛著羅襦那知桑婦苦請看箔上蠶懷絲爲誰吐

江南弄七首

江南弄

東風小苑開百花牽枝接葉披明霞香氣氤氲流絳

紗流絳紗上高臺有所思獨徘徊

龍笛曲

羌人截竹調五音弄作水底雙龍吟
雄鳴雌和如戛金如戛金聲徹天
揮象柱却鳴絃

採蓮曲

江南採蓮諸女兒青蛾皓腕蕩淥池
爲君爭摘同心枝同心枝難再得哀
江南望江北

鳳笙曲

不周奇篠曾城匏合節勻簧象九苞
朱唇玉指疾不勞疾不勞罷衆樂
王子喬下伊雒

採菱曲

雙腕繚紹五綵繩隔溪扣船歌採菱芙蓉零落秋愁
增秋愁增定幾許人不見獨延佇

遊女曲

羅衣鮮潔珠佩光攜手躑躅採芬芳三三五五羅成
行羅成行美如玉戲春風歌妙曲

朝雲曲

巫山晡晚雲低垂焚蘭張樂迎瑤姬乍明乍沒使人
疑使人疑不可攀朝復暮陽臺間

舞曲八首

白鳩篇

謂鳥無靈白鳩冥冥非感君德胡爲來庭白鳩來庭
翩翩其羽應此嘉祥暢飛暢舞翩翩暢舞風迴雪流
豈彼朱鴈可方白鳩鳩鳴交交我君無勞琴瑟在御
弓矢斯戢戢弓息馬適彼中野與君周旋爲樂無賈
爲樂何其載驅載馳龍鱗鳳翼下國是儀儀此下國
君德不忒瑞應乾符天壽翼翼

獨漉篇

獨漉獨漉水深泥濁寧沒我身無濡我足獨漉爲河
漫彼中阿滔滔者誰掘泥揚波濁水泱泱欲濟何航

芙蓉雖秀不可以裳翩翩羣驚啞喋兼葭鳳鳥所食
漚露之華戟持刈葵鏡以蓋卮投非其適哲士所嗤
何以濯髮咸池之泉何以醒心清冷之淵

碣石篇

我觀滄海東臨碣石嵎夷茫茫隨氣潮汐天與水際
日月相射七曠不損九漦不益長風鼓怒飛濤連山
若明若滅海神來還泱泱大哉歌以暢志

玄冥御冬蕭蕭北風飛雪千里鑿冰冲冲百草旣殺
鱗介潛藏海霧四幕若華無光暘旣納稼商旅戒途
置我錢鎛坏我戶閭泱泱大哉歌以暢志

五土殊風幽朔苦寒冰厚六尺呼吸孔艱河澌不流
水瘁無膚塞外氣黑邊聲嗚嗚王詠東山雨雪霏霏
三軍挾纊豈曰無衣泱泱大哉歌以暢志

靈龜服氣誰見千齡神龍存身匪雲莫與不死之草
采之難遇長生之丹餌之多誤哲士何營知止知足
與時偕行從心所欲泱泱大哉歌以暢志

白紵舞歌二首

吳宮新裁白紵衣皎若集羽凌煙霏璫簾初施蘭氣
微霞綃霧縠流光輝纖姿妙舞二八姬含情宛轉出
綈幃雙舉素腕趨絃徽巾袂綽約輕雲飛將傾忽

隨天機懸釵不墮鬋乍低抗身矯履騰金扉超絕一世和者稀羣娃玉指不住揮繁聲急節相因依明星在天露未晞嘉賓但醉且勿歸

趙姬起舞吳姬歌綺琴瑤瑟旋相和長袖輕舉步婀娜當筵轉盼生橫波將進復止揚素蛾迴鸞縱鶴影婆娑怨若湘妃鼓江沱矜若牛女會天河應聲合節跼且摩僊僊洩洩傾陽阿曲終得意還自哦餘態徘徊拭纖羅華燈秉照玉樹柯三陽駸駸逐羲和尊中有酒旨且多主君今夕奈樂何

琴曲九首

履霜操

履朝霜兮出無歸
停爲食兮芟爲衣
望故室兮影離
離考豈不哲兮
讒言非親恩中絕兮
入道微號彼旻
天兮吾將焉依

別鶴操

羽翼將分兮風蕭蕭
浮雲颯沓兮天路遙
終夜哀鳴兮誰爲招

八公操

翩翩八公化爲童兮
豐眉綠髮降吾宮兮
導我服氣還玉容兮
輕身冲舉鞭赤龍兮
駕風乘雲渺下土兮

遊戲會城息縣圃兮超邀玉女觴王母兮匪我好道
公誰伍兮

貞女引

園有嘉木號女貞兮枝幹扶疏苞春英兮薦蘿藦
菴母相縈兮善惡異類緇白分兮離羣獨處非爲名兮
汙世可合忝厥生兮

思歸引

嗟出宿兮淇之陽遠父母兮天一方邵何人兮獨無
良將迫我兮亂綱常抗志節兮爲吾王幽深宮兮面
雕墻思肥泉兮悲泱泱謀諸姬兮限河梁顧雲中兮

鴈翱翔我無翼兮歸衛邦

霹靂引

嚴余駕兮遠行遊歷九阜兮舉芳洲雷震迅兮風啾
啾馬辟易兮鳴未休胡不歸兮獨夷猶

走馬引

天馬兮下來遶室兮徘徊導余兮遠逝援琴兮聲哀
大澤兮風雨想像兮龍媒

琴歌二首

涇渭本一水分流自清濁寧使纓生塵莫向涇流濯
猶棗惡其刺穿棘惜衣羅芥斤雖在掌當奈赤心何

雜曲三十一首

蜨蝶行

蜨蝶遽遽春陽遲遲遊戲東園何慮何思誰家燕哺
兒卒來持我爲持之置薄爐猶謂我通繚我織與銜
弱軀飛入紫深宮歡殺梁間黃口雛黃口雛只母得
食軒相呼惜汝尚不飽而我何辜

武溪深行

武溪之水何湯湯猿號兩岸鳥不敢翔嗟哉武溪兮
阻且長

樂府二首

擊胡勞王師旃裘何纍纍遠臣大小兩月氏近縛左
右兩屠耆

大夏九譯傳請屬漢西邊
叩杖焚布大鳥卵
笮馬髦牛王面錢

傷歌行

皎皎中夜月當窻照我幃
蘭蕙有餘芬微風動羅衣
抱衾不能寐耿耿傷別離
徬徨啓朱戶躑躅行且悲
仰見河漢影繁星忽已低
春鳥鳴前林呼儔竝南飛
感物思遠人何時當來歸
歲月聿云邁盛年無重期
憂來亂衷曲那能理絃徽

悲歌

肉食不如稻粱錦衣不如故鄉遠道思歸鬱紆徬徨
欲駕車無輓欲娶妻無媒可憐徑寸腸一夜常九迴
妾薄命

三辰麗天何私同心膠漆何疑華燈光舒陸離與君
皓首爲期君自援琴調絃妾亦起舞僂僂變聲一鼓
幽蘭垂手墮髻承歡自信海枯嶽摧烏白馬角無垂
珠環翠鈿徘徊曲體常見憐哀襜褕賓客在堂逡巡
秉燭行觴遺履絕纓踉蹌妾獨御巾君傍陰陽浩浩
潛移容華銷落難持風波瞥起差池荆棘坐蔓房幃

殘桃無味可咀鈞多中棄前魚班女題統欵欵鄭姬
掩鼻誠愚亦有昭君細君宮容遠冒胡塵蛾眉誨愛
誨嗔苦樂豈盡由人人間新故何常薄命纍纍下堂
恩深已絕難忘短歌微吟自傷

羽林郎

羽林良家子盛氣憑金吾鳴鞭出狹斜顧問酒家胡
胡姬年十五妖閑自當爐何言邯鄲倡頗擬秦羅敷
輕裙芙蓉帶單衫繡袂襦雙鬟倭墮髻珊瑚間青珠
肆中焚椒蘭席上陳笙竽千鍾與百榼上客無停酤
獨有羽林兒下馬何踟躕直入坐我傍白晳美頰腴

但坐不通名調笑復須臾
肴來錯金盤酒滿鏤玉壺
微飲不及酣縱歌聊自娛
遺我朱雀錦曳我連理裾
裾輕故可斷錦重非其愉
上客豈無婦胡姬亦有夫
感君屬慙慙清濁難相渝
金吾貴自貴毋煩私賤軀

名都篇

名都故佳麗少年何翩翩
千金飾寶劍百金縲文鞍
臂鷹走東郊戲馬過上蘭
力能嚙飛鏑巧能承弄丸
馳騁不言勞角觥相更端
雙隼從何來疾風翔雲間
蒲引明月弓厲鏃忽應弦
一矢貫雙隼馬驟不及鞭
觀者稱神奇狐兔不敢前
暮入胡姬肆挾瑟當壚彈

清酒滿玉壺珍肴羅翠盤密坐屬所私一博呼十千
旁若無世人意氣矜相憐出門夜未旦白露何漫漫

美女篇

美女出京洛麗質閑且都盛年處重幃足不踰門樞
晨起開新妝厭粉不施朱簪以九華玉璫以大秦珠
履履應鳴環微風蕩羅裾理絲織縑素經緯良獨殊
手調文梓瑟緩急諧謳趨舉體若織雲吐氣蘭不如
聞者相豔慕觀者但嗟吁媒氏亦何勞玉帛克前除
所希在良匹非敢愛弱軀良匹苦難偶歲月忽以逾
空房殊寂寥猶勝棄路衢寄謝諸少年金石難可渝

白馬篇

白馬紫絲韁鏤鞍白玉裝何處遊俠兒聲名播戎行
平生萬里志恥復負蓬桑長驅出右地蹀躞古戰場
腰盤昆吾刀縱橫掣電光臂掛騂角弓羽箭凌秋霜
深山刺彪虎平原射白狼巧捷無衆工叱咤人莫當
邊聲昨夜急虜騎窺朔方叱馬奮登陲軍中氣俱揚
左鼓賢王縛右發月支降往來鋒鏑間坦若馳康莊
所事在國讎那能念故鄉總無定遠封朽骨亦稱強

遠遊篇

一隅非我宅九土安足州迫阨從世人四顧嬰百憂

經營甕盎間區區欲何求金石良易敝曜靈忽以道
白雲啓閭闔飄然思遠遊道逢赤松子仙藥爲我投
舉翼崑崙顛息駕扶木丘扶木拄東海元氣鼓洪流
下枝九陽伏上枝一陽浮神魚戴五城氣吐金銀樓
登樓瞰列缺六漠何悠悠始知泰初理可與天地侔
飛龍篇

清都穆穆宮闕連蜷過謁東父道逢列仙驂駕飛龍
流覽八埏雄虬夾轂雌蜺爲鞭豐隆前導玉女蹁躚
須臾萬期溟渤以田崢嶸無地寥廓無天我欲問道
與子周旋

鬪雞篇

彈雀伎易盡走馬厭騰驤徵聲復選色娛極日未央
更端呈妙劇坐客鬪雞坊當筵立羣雄赴敵何揚揚
芥羽激纖飈朱目懸秋陽昂冠起挑戰竦體勢莫當
縱橫兩相阨決勝憑高翔殊死奮一擊寧惜金距傷
浮雲奄廻薄觀者盈道傍幽并豪俠兒鼓臂思張皇

行路難四首

奉君清觴之琬液丹柯碧葉之琅玕六出火玉之雜
佩九雲夜光之華冠陽輪西逝無停晷金鏡不保常
朱顏願君且息遠遊駕聽我一歌行路難但看羊腸

九折阪車翻馬敗何時還

長笑出門去知是東西南北人相逢各相屬傾蓋白
頭無故新一言未終眉睫變勸君莫喜亦莫嗔膠漆
之固不如水叅天松柏時爲薪

魚目置高堂駭雞之珍黠無光雜繒飾玄冕交龍之
錦充下裳切玉寶劔不斷管鉛刀揮霍凌風霜嫖母
生仇火齊鏡臭夫背走昆明香鮑叔鍾期苦難遇長
夜綿綿私自傷安得鞭駕三雲輦與君遨遊沈

默鄉

男兒不嗔貧但苦去日多平生抗志薄伊呂負鼎投
竿奈老何人言坎井吐朱火不信陸地揚洪波孟門

瞿峽非真險羣口如簧舌如戈出門舉足投荆棘不
如高枕南山阿富貴可求君莫羨尊中有酒聊且歌

齊謳行

臨淄憑海岱四塞爽鳩墟瑯琊凜東阻河濟迤西紆
魚鹽資壯麗桑麥翳膏腴倒影劃地鏡飛觀凌天居
穆陵及賜履葵丘載盟書八伐命有赫一匡力無餘
王霸盛遺蹟文武羅名都觀風知表海聞韶儼遊虞
變魯第反掌撻秦多奮軀世變亦已遠結交復何如
與君但鼓瑟莫以王好竽

吳趨行

秦箏且勿奮趙瑟且勿和我有吳趨曲當筵爲君歌
請看闔閭城逶迤繚長川八門平象地八門高象天
胥臺望具區複閣遙相鮮錦鱗躍扈瀆水晶吐鹽田
海陸具珍錯羅綺麗且纖分星會稽燦王氣澤國偏
泰伯遺三讓季子良獨賢言游擅文學中國莫之先
干將與要離揚聲烈士編嗣王侈臺榭佞幸玩藥韃
僂姬劒已瘞觀兵目猶懸誰復於越讐遂載鴟夷船
吳趨一以闕四坐俱淒然

前緩聲歌

天上之河必有海中之宮苟非至人誰測化工具曰

明察秋毫曾不辨烏雌雄當思燭地之龍必有行空
之馬幻異無恒今古綿綿長夜只聞新聲不聞雅興
君今日但飲勿論學

結客少年場

驄馬飾雕鞍玉珂何珊珊當場負意氣結客空長安
一語成莫逆千金盡交歡日月豈足晬睨毗各有端
相求等敵國赴急纓危冠恥就四豪食不屑萬乘千
力能脫季布軀可借燕丹劍術無衆工義聲薄區寰
新生驚蹈海公子下抱關烈烈布衣士遭逢良獨難
探丸與竊鉤盜俠居民間

東飛伯勞歌

東飛伯勞西飛燕
鳥兔無情暗相禪
誰家少婦洗紅妝
素面含悽倚曲房
曲房春深人未歸
雙雙玉箸沾羅衣
少婦自矜顏色好
盛年忽爲相思老
昨夜風吹百合花
可憐一曲怨琵琶

枯魚過河泣

枯魚不入肆
強言能過河
寄聲與魴鯉
清流芳餌多

自君之出矣二首

自君之出矣
鑲釧了不施
思君如刻漏
何自有停時

自君之出矣
美錦織難成
思君如扶木
無日不重生

長干曲

妾住長干頭慣使逆浪舟衝風蕩牛渚一夜泊揚州

同聲歌

結髮奉明誓區區幸見憐良無蘭蕙資微芳爲君宣
從君若形影猶恐有後先補以合歡裁帶以結纏綿
分當侍輦悅織素還織縑微力殫中厨蘋藻潔以鮮
帳中陳女圖載詠關雎篇將希舉案風雞鳴亦何賢
願爲羌水龍齊鳴聲徹天願爲秦臺鳳雙舉高連翩
婉孌自今夕皓首勿復遷

河中之水歌

河中之水流涓涓洛陽女兒矜少年董家嬌嬈不足
豔秦氏羅敷遜其妍自名莫愁傾城色不上雜作工
織縑十五嫁爲盧家婦蘭桂充房玳瑁筵靈麻燭照
七綵帳五木香生五色煙百歲婉孌曾幾日盧郎遠
戍何時旋城南花落桑葉盡獨倚高樓私自憐

步虛辭

靈光徹紫府真氣騰青丘瓊葉秀堪采膏泉肯不流
九龍上元居六著仙人遊食以斑螭髓服以青鳳裘
電影躡飛馭天籟清鳴璆二曜不及旋八遐忽以周
河清詎足俟乾坤吾與侔

蘇小小歌

我裁錦繡段郎灑薔薇水一顧兩相當持爲合歡被

甌
甌洞藻卷之二終